




Institute for  
Population and  
Development



## MEMORANDUM O SARADNJI

između

**INSTITUT ZA POPULACIJU I RAZVOJ**, Danijela Ozme 12, 71000 Sarajevo, BiH, koga zastupa direktorica prim. mr ph Emina Osmanagić (u daljem tekstu: „*IPD*“)

i

**UNIVERZITET U SARAJEVU - FAKULTET POLITIČKIH NAUKA**, Skenderija 72, 71000 Sarajevo, BiH, koga zastupa dekan fakulteta prof. dr. Sead Turčalo (u daljem tekstu: „*FPN*“)

### *I Svrha Memoranduma o saradnji*

Potpisivanjem ovog Memoranduma o saradnji, IPD i FPN potvrđuju da će zajednički djelovati u razvoju i implementaciji programa „Uspostavljanje sinhronizovanog socio-ekonomskog okruženja zajednice za podršku rehabilitaciji i reintegraciji RFTF-a i njihovih porodica u Federaciji BiH“ (u daljem tekstu: „*Program*“).

Potpisnici ovog memoranduma se obavezuju i na dalju saradnju kako u oblasti prevencije nasilnog ekstremizma i borbe protiv terorizma, tako i u svim drugim interesnim sferama.

### *II Odnosi partnera*

IPD i FPN će doprinositi implementaciji Programa, kroz partnerske odnose bazirane na principima transparentnosti, konsenzusa, obostranog interesa, odgovornosti, efikasnosti, posvećenosti, međusobne informisanosti, autonomnosti obje strane, te dobrom i odgovornom upravljanju resursima koji će se koristiti za ostvarivanje zajedničkih ciljeva i aktivnosti.

### III *Ciljevi i aktivnosti*

Sve projektne aktivnosti provodit će se u skladu sa međunarodnim i važećim nacionalnim zakonodavstvom. Zaštita ljudskih prava je osigurana politikama IPD-a i poštovat će je partneri ovog memoranduma.

Program će direktno doprinijeti naporima federalnih i lokalnih vlasti u FBiH da odgovore na izazove jačanja rehabilitacije i reintegracije RFTF-a i članova njihovih porodica u zajednicu.

Takođe, Program direktno doprinosi novoj Državnoj strategiji za borbu protiv terorizma 2022-2026, a prati ga Akcioni Plan Vlade FBiH 2020-2025 (Specifični ciljevi PC1 i PC2).

Oba partnera će provoditi sve projektne aktivnosti u skladu sa GCERF strategijom<sup>1</sup>.

Osnovne aktivnosti razvoja i implementacije Programa podrazumijevaju:

- Razvijanje nastavnog plana i programa za jednogodišnji, multidisciplinarni magistarski program jačanja otpornosti zajednice na ekstremizam.
- Uspostavljanje i provedba magistarskog programa na Univerzitetu u Sarajevu za 30 studenata iz 13 lokalnih zajednica.

### IV *Odgovornosti, koordinacija i predstavljanje*

Oba partnera će svoje aktivnosti provoditi prema svojim procedurama, uključujući standarde administrativnog i finansijskog poslovanja, što će rezultirati jačanjem kapaciteta partnera za primjenu visokokvalitetnih procedura u okviru Programa. Procedure će takođe uključiti principe interne komunikacije između partnera.

IPD će svojim aktivnostima biti centralni aspekt izgradnje kapaciteta što je dio redovnih aktivnosti praćenja i evaluacije Programa.


Glavna uloga FPN-a odnosno Instituta za društvena istraživanja je da kroz master program obezbijedi održivo obrazovanje front-linera za jačanje otpornosti zajednice na ekstremizam na javnom Univerzitetu u Sarajevu.

IPD se obavezuje na podršku u stvaranju podsticajnog okruženja za razvoj i implementaciju Programa.

---

<sup>1</sup> GCERF's Regional Strategy for Investment in the Western Balkans





Sva medijska predstavljanja aktivnosti, ukoliko budu odobrena od donatora, će se sprovoditi u skladu sa procedurama donatora.

### ***V Rješavanje nesporazuma i sporova***

U slučaju bilo kakvog nesporazuma ili spora među potpisnicima u vezi sa tumačenjem i primjenom ovog Memoranduma o saradnji, potpisnici će se međusobno dogovarati i sporazumno ih rješavati u cilju postizanja dogovora o daljim smjerovima aktivnosti.

### ***VI Završne napomene***


Ovaj Memorandum o saradnji stupa na snagu danom potpisivanja obje strane.

Strane su se složile da Memorandum o saradnji može biti dopunjen aneksom memoranduma kojim će se definisati detaljnije prava i obaveze IPD-a i FPN-a odnosno partnera na realizaciji Programa.

Ovaj Memorandum o saradnji je sačinjen u četiri /4/ primjerka, od kojih svaka strana zadržava po dva /2/ primjerka.

Za INSTITUT ZA POPULACIJU I RAZVOJ

Diréktorica

  
Prim. mr.ph. Ermina Osmanagić

Datum: 04.04.2022. godine

Broj protokola:

Za FAKULTET POLITIČKIH NAUKA

Dekan

  
Prof. dr. Sead Turčalo

Datum: 04.04.2022. godine

Broj protokola: 01-3-393/122